

## SÁMI GIELLALÁGA 31 §:A VUOĐUL MÁKSOJUVVON DOARJAGAT

Vuoigatvuođaministeriija almmuha ohcanláhkái sámi giellalága (1086/2003) 31 §:s oavvilduvvon doarjagiid. Doarjagiid várás lea dán jagi ruhta oktiibuot 120 000 euro. Vuoigatvuođaministeriija lea mieđihan 16.3.2018 nohkan ohcama vuođul doarjagiid 70 000 euroin. Dán dievasmahtti ohcamis sáhtá mieđihit doarjagiid 50 000 euroin.

Doarjaga sáhtá mieđihit sámiid ruovttuguovllu gielddaide, searvegottiide ja bálgosiidda ja maiddá lága 18 §:s dárkkuhuvvon priváhta oassebeliide sierra lassigoluid máksima várás, mat šaddet máinnašuvvon lága heiveheamis. Dál ohcanláhkái lean doarjagat leat oavvilduvvon 1.1.2018 maŋná boahtán dahje boahttevaš lassigoluide.

**Friidjahápmásaš ohcamušaid galgá doaimmahit vuoigatvuođaministeriijai maŋimustá 31.8.2018 dmu 16:15** elektrovnnalaččat čujuhussii [oikeusministerio@om.fi](mailto:oikeusministerio@om.fi). Ohcamuša sáhtá doaimmahit maiddá poastačujuhussii Oikeusministeriö, Demokratia-, kieli- ja perusoikeusasioden yksikkö, PL 25, 00023 Valtioneuvosto. Ohcamušas galgá čielgadat daid sierra lassigoluid, maid gokčamii doarjja ohccojuvvo.

Jus ohcamuš dahkko sámi giellalága 18 §:a vuođul, ohcamušas galgá čilget maiddá, ahte ohcci lea máinnašuvvon lánkačuoggás dárkkuhuvvon priváhta oassebealli. Jus ohccin lea siviilavuoigatvuođalaš ovtastupmi dahje vuođđudus, ohcamušsii galgá laktojuvvot ovtastumi dahje vuođđudusa registtarválddus ja maiddá maŋimuš nannejuvvon ruhtadoallooahpaheapmi, doaibmačilgehus ja ruhtadoallo dárkkistanmuitalus.

Ohcamušas galgá maid čielgasit almmuhit ohcci oktavuodadieđut, gos ohcci lea fáhtemis oba meannudeami áigge, sihke kontonummir, gosa vejolaččat mieđihuvvon doarjja máksojuvvo. Oktavuodadieđuide bivdit merket ohcci šleađgapoastačujuhusa, jus ohcci miehtá dasa, ahte mearrádus ja eará oktavuodaváldimat doaimmahuvvojit elektrovnnalaččat.

Ohcamušmeannudeamis čuovvut stáhtadoarjjalága (688/2001).

Lassidieđuid addá ráđđádalli virgeolmmoš Johanna Hautakorpi, [johanna.hautakorpi@om.fi](mailto:johanna.hautakorpi@om.fi), 02951 50018.